



Notat

Til: Hege Eide Vik

Kopi til:

Saksbehandler: Stab/Lin Tove Thomassen
Vår referanse: 21/97 - 13 / FE-033, HistSak-20/532
Dato: 20.04.2021

Emne: Svar på spørsmål til kommunestyret 23.03.21 - Turbinen/politisk møtedag/Jamnetunet

Heidi Rongved, Ap, har stilt følgjande tre spørsmål til ordførar:

1. Kvifor er treningsrom i Turbinen og symjebasenget framleis stengd?
Treningssenter og symjehallar i Bergen har vore opne, men i Vaksdal er alt stengd. Folk frå Vaksdal reiser til Bergen for å nytta treningssenter der. På meg er dette uforståeleg. I Vaksdal har det vore lite smitte er det då fornuftig at me skal ha våre treningstilbod stengde av smittevernårsaker, medan me med opne auge ser at folk reiser herifrå og til Bergen der smittetrykket er mykje større.
Det vart stilt spørsmål om dette i sist kommunestyremøte, og då vart det sagt at helsebadet var det fyrste som skulle opnast. Turbinen kunne ikkje opnast då den skulle brukast til vaksining. Dei nyttar no Bedehuset til vaksining og ingenting har skjedd i forhold til helsebadet. Kva ventar me på?
Det er viktig at me får i gang igjen aktivitetstilbod for folk i alle aldrar.
2. Evaluering av møtedag. I starten av denne kommunestyreperioden blei møtedag flytta frå mandag til tirsdag. Slik eg forstod det skulle dette evaluerast. No er me snart halvvegs i perioden og ei evaluering er vel på sin plass. Får me ei slik evaluering?
Noko av årsaka til at det blei flytta dag var mellom anna at det skulle bli mindre ettersende saker. Det kjennes som om det er blitt meir saker som blir ettersendt. Ved å flytta dagen skulle det bli mindre flytting av møter. Er det blitt det?
3. Riving av Jamnetunet.
 - a. Risikerar ein at nokon av dei som bur der i dag får beskjed om at dei sjølv må finna seg ny bustad, eller vil kommunen vera behjelpelig å finna tilfredsstillande bustad til dei? Vil dei få tilbod om omsorgsbustad når det nye bygget står ferdig?
 - b. Eldrestova. Vil kommunen vera behjelpelig med å betala husleige for dei som har hatt aktivitetar i eldrestova og som må leiga andre lokaler under rive- og byggeperioden?

Svar:

1. Når massevaksininga tek til vil kommunen bruke Turbinen til vaksining. Når vi kjem så langt i vaksininga at store grupper skal vaksinerast er det ikkje nok plass i Bedehuset på Dale.

I dag er Turbinen i bruk for aktivitetar for born og unge. Det er treningar der og skulen nyttar areal der på dagtid til kroppsøving. Dei Nasjonale føringane for smittevern er tydelege på at born og unge skal prioriterast. Vidare skal det ikkje leggjast til rette for trening for vaksne innandørs. Vaksdal kommune har prioritert born og unge.

På bakgrunn av dei nasjonale føringane har vi ikkje lagt til rette for aktivitet eller trening innandørs for vaksne. Turbinen er ein kommunal hall og det er kommunalt tilsette som har ansvaret for reingjering. Slik det praktiserast no held kommunen dei nasjonale føringane. Vidare fungerer reinhaldet godt.

Treningsrommet i Turbinen er i bruk for behandling / fysioterapi. Ved slik bruk er det få personar i rommet og smittevernreglane kan fylgjast. Trening /styrkerommet i Turbinen er for trangt og lite til å opne for allmenta slik smittevernreglane er no. Dette er ei klar føring frå Kommunelegen til den Kommunale Kriseleiinga. Turbinen er ikkje eit betent treningscenter, men eit kommunalt bygg med smittevernrestriksjonar.

Symjehallen på skulen er open for opplæring for elevar på skulane.. Vi har diverre ikkje kome så langt at symjehallen er opna for anna aktivitet enn opplæring. Målet er at vi skal få opna hallen til «rehabilitering» i løpet av våren. Så lang er vi ikkje komen enno. Det vil krevje meir reinhald og vakthald for å opna hallen meir. Det arbeidast med dette og det er eit klart mål og få det til. Noko meir presist svar kan ein diverre ikkje gje ut frå den noverande situasjonen.

2. Endring av møtedag frå måndag til tysdag vart vedteke i desember 2019, og vi legg opp til å evaluere møtedag hausten 2021. Å flytte møtedag frå måndag til tysdag var ikkje først og fremst eit tiltak for å unngå ettersending av saker, men for å gjere arbeidskvardagen til dei som arbeider med politiske saker og møteavvikling enklare. Det har og vore eit mål at færre folkevalde møter kolliderer med andre møter politisk og administrativ leiing i Vaksdal kommune elles deltek på.

Ordførar har som mål å ikkje ettersende sakspapir, og særleg ikkje større saker. Praksis er at det kan bli aktuelt med tilleggsinnkalling når det er saker som hastar, eller dersom det er mindre saker som ikkje har blitt ferdige innan fristen.

Det siste året har ført til ekstra arbeidsmengde også i administrasjonen, og slik sett press på sakshandsamingsressursane våre. I nokre tilfelle er det også utanforliggende høve som ligg til grunn for at saka ikkje kan sendast ut til ordinær tid.

Frå sekretariatet si side har ein som mål å sende ut innkallinga tidleg på dag ei veke før møtedag.

Byte av møtedag har ikkje vore gjort ved mange høve, men der har vore nokre møtekollisjonar der me har blitt samde om at me byter dag for å sikre deltaking.

3.

a. Kommune vil være behjelpelig med å finne tilfredsstillande buststad til dei som har vedtak om eldrebustad på Jamne. Det er ingen som vert beden om å finne ny bustad sjølv, men bebuarane står fritt til å finne seg anna bustad på eigenhand om dei ynskjer det. Når nybygget står klart, vil ein gjere ei individuell vurdering og mogleg gje tilbod om omsorgsbustad på Vaksdal.

b. **Svar til møte i KS 23. mars:** Kommunedirektøren og leiinga i helse-/omsorg, er i dialog med brukarane av eldrestova, og arbeider med å finne ei alternativ løysing, særleg for eventuell aktivitet på kveldstid. Målet er å ha klar eit forslag til løysing før F-skap og K-styre i april.

Oppdatert svar til møte i KS 27. april: Eldrestova og dens funksjonar vil verte ivareteke i det nye bygget. Fellesstova i eksisterande sjukeheim vil då vere tilgjengeleg for leige, tilsvarande dagens ordning med Eldrestova.

I byggeperioden, kan Vaksdal kommune på kveldstid tilby lokale i fyrste etasje i ressurscenteret (sjukeheimen) på Vaksdal, dersom smittevernsomsyn tillet det. På dagtid har kommunen imidlertid i byggeperioden ikkje tilgjengelege ledige lokale i sjølve Vaksdal. Det vil alternativt kunne vere høve til å nytte møterom i Heradshuset på Dale